

क को कोड रो....

कन्हैयालाल सेठिया

परगासक :
दिव्या प्रकाशन
सुजानगढ़ (राजस्थान)

पोषी मिलणे री बायो :
धी जयप्रकाश सेटिया
३, मंगो लोन
कलकत्ता-७००००१

संग्रह इदकार लिखारे रा है।

मोल पचास रिपिया

सुदक : भागचन्द्र सुराना
सुराना प्रिन्टिंग बक्स
२०५, रवीन्द्र सरणी
कलकत्ता-७०००७५
दूरभाष : ३८-४३६३

क !

बरणमाळा रो पैलो आखर 'क', कलम रो 'क',
कागद रो 'क', कविता रो 'क' र म्हारै नाव रो
आद आखर 'क'। कोनी चाली 'क' स्यु आगै
म्हारी भणाई। 'क' ही म्हारी कमाईर 'क' ही
म्हारी अपावाई।

जका पूग ग्या 'ह' तोहं मै मानू वां री खिमता,
मर्ने आणद वा ने माथा नमता।

मांडणा

एडो	छेडो	एडो	छेडो
१ कक्षी कोड रो ।	८	१२ करसो ।	२२
२ काळ ।	१०	१३ मतीरा ।	२३
३ मील रो पत्थर ।	११	१४ सभाव ।	२४
४ अणभूत ।	१२	१५ परिंगा ।	२५
५ पीळ रो अमरित ।	१३	१६ धिगाणियो ।	२६
६ साखी ।	१४	१७ आगियो ।	२७
७ बतरिख रा बटाऊ ।	१५	१८ डोरो ।	२८
८ मन ।	१६	१९ वीज ।	२९
९ मवाल ।	१८	२० भीळा ।	३०
१० निरथक ।	२०	२१ मिनख ।	३१
११ स्याणो ।	२१		

एंडो	छेडो	एंडो	छेडो
२२ धिणाप !	३२	५४ रोहीडो । (१)	६७
२३ दर्पण ।	३३	५५ रोहीडो । (२)	६८
२४ आदत ।	३४	५६ भूल ।	७१
२५ गुण गाहक ।	३५	५७ जुग धरम ।	७२
२६ चौरटी उपर ।	३६	५८ आदमी ।	७३
२७ साच ।	३७	५९ मोटो सिरजण ।	७४
२८ कविता ।	३८	६० चीढ़ी चीडो ।	७५
२९ परमाद ।	३९	६१ साची बात ।	७६
३० भूख ।	४०	६२ भरम ।	७७
३१ रात दिन ।	४१	६३ पहुतर ।	७८
३२ फरक ।	४२	६४ सरब भवसी ।	७९
३३ निराकार-आकार ।	४३	६५ तारा ।	८०
३४ अधेरो'र च्यानणो ।	४४	६६ सूरज ।	८१
३५ जलम-मरण ।	४५	६७ मिनष्व'र तितली ।	८२
३६ कायर ।	४६	६८ गतागम ।	८३
३७ कविता ।	४७	६९ नेतार'र जनता ।	८४
३८ दूठ-साच ।	४८	७० बिलगी अघयिली ।	८५
३९ कारीगर ।	४९	७१ कुण ।	८६
४० आपद धरम ।	५०	७२ सौगात ।	८७
४१ रीमलो मिनष्व ।	५१	७३ माटी ।	८८
४२ धरती'र गिगनार ।	५२	७४ भेद बुध ।	८९
४३ रात ।	५३	७५ कुआरी साच ।	९०
४४ सिद्धा ।	५४	७६ उठ, कर कूच ।	९१
४५ महारी मनस्या ।	५५	७७ साच ।	९२
४६ बीज ।	५६	७८ बौघड ।	९३
४७ पसवाडो ।	५७	७९ सन्दर्भ ।	९४
४८ हृणी अणहृणी ।	५८	८० फरक ।	९५
४९ तारा'र सूरज ।	६०	८१ चौमासो ।	९६
५० काळजयी ।	६१	८२ आलोक पुरुप ।	९७
५१ दिवलो (१)	६२	८३ दिवलो ।	९८
५२ दिवलो (२)	६३	८४ दिन'र रात ।	९९
५३ दिन-रात ।	६४	८५ नीमदो	१००

जयकिशनदास सादानी
मोहनलाल लोढा
सीताराम महपि
श्रीचन्द्र घेद
दुर्गादत्त माटोलिया
ने
घणै मान

क छो कोड री....

कक्षो कोड रो !

लिख दीन्ही
पोथ्यो निरी
षण कठे आयो
हाल माडणो ?
कोनी चालै
ववक्रै कोड कै स्थूं
आगै वरतो,
करुं निरथक
धस धस'र इंडोल्यां
पाटी - चीकणी
घणो आतरे है हाल
दो मारसेर धन्तो ?
दीखै परतख
पडे मिरजण रै पेली
धरती नै तपणो,
करे आध्या'र भनूळिया
मिस्ट
धोरां रो माजनो
जद वणै
बंतम री पीढ
षुमट'र
कळायण,
फेर वण ज्यावै वा
मीरियां रै
दहुको स्थूं
रमायण ।

३१०-८८

* वरणमाळा रो आखर'स'

काळ

कोनी

चुरा सके कोई
बगत री

आँख

यों री निजर में
सगळा पग'र पांख,
वो ही घैडो गूँगै
बीज में

हसतै पूल में

रुस्योइ नटै में,
कोनी वी रे धासतै
कोई ढूगर ऊँचो
कोई समदर गैरो
यों रे ही

बलाह हाथो में

मिस्टी री सांढ री मूरी
कोनी सुपीजै

र्वत करता बटाऊहा नै
यों री टिचक्कारी !

मील रो पत्थर ।

गरज
गेला री
पगा नै
कोनी खगा नै
जका री दीठ में
गिगनार
चड़ै पाख पसार
पड़बो सपटमपाट
न टेढो न आटो
न काकरा न काटो
जे कठेहैं कोहैं
मील रो पत्थर
तो बो
उगतो 'र आथतो
सूरज ।

६-१०-८८

अणभूत !

कर सक्यो है
कुण
क्यां रो ही
निवेदो ।
कोनी गिणीजै
समदर री लैरा
गिगनार रा तारा
डील री रुधोङ्डी
मन रा विचार,
बाध दी
गिणती री भणाई
दीठ नै
पुदगळ स्यु
कर दी
पचभूत
चैतणा नै चेताच्छक,
चावै जे
अणभूत्यो
विरमाड, कर लै
दीठ नै माय
बणचया सुरदास ।

पीड़ रो अमरित ।

मथ'र
मन रो
समन्दर
काढ्यो
सबद रै
घड़े मे
पीड़ रो
अमरित,
कोनी
भाज्या लारै
देवता'र राक्षस
जाणे इण
संजीवण रो
सुवाद
खाली मिनष्ट री
मंवेदना ।

-१०-८८

साथी !

विस्यै
खिण में
पठमी
किण नै
गरभ में
बीज
करै
इण रो
निरणै
लीब रा
स सकार,
हुसी
हुण रो साथी
बो अदीठ। काळ
जकौ
कोनी घटण दे
कोई
अणहुणी !

अंतरिक्ष रा घटाऊ !

कोनी कर सकयो
कम
अंतरिक्ष मे
गयोड़े
मिनव्हा रो विवरण
चनरमा रो आकर्षण !
खूबा ढुंगर
सुखा भमदर
निरजीव धरातळ
न पून न पाणी

कोनी कोम सकी
जै जाणकाला
बी रा विशेषण,
यो तो

वो ही रसेश
करै रत वर्पण
लागै फाल
फळै फळ
हुवै मजीषण

कण कण
करै देख'र
जायोइ नैहर

रतनामर

चुगै अगारा
मोवी चक्रोर
मान'र सुधाकर
आडीकै

शरद री पून्यू नै
देखणिया ताज
लागै

कभी क्यानणी मे
सेंदेही सुमताज
करा दै चीत
थोळै दोपारा
चाद नै

गोल मटोळ चैरो
कोनी मुजाज सकै
कुदरत री साच नै
हपना है बैरी
विश्यान रो
दग्केरो ।

मन ।

मिर्हे लेतो
अचपळे मन स्यू
योला
कोनी लेण दै
जक
ई री मक
रवै
लाख्योडा लार
घालै फोडा
इण रे जायोडा विचार,
वरज दियो
कती वार !
पण कोनी सुषण नै र्खार
भहारी वात
थो निलजो
लगा'र धात
थडीकै दिन'र रात
कर्णा चूकै फाळ
मागसी कतीक ताढ़ !
जाणै थो डेटो
जीव री सभाव
कोनी साबटै
बापरो विल्लायोडो जाळ ।

६-१०-८८

सवाल !

किया मिली
तनै
मिनष री जूग ।
क्यु कोनी बघ्यो
कीडी'र मकोडो
माखी'र माछर ।
कहि थो जावक सजोग ।
का हेण रे लारे कोहि जोग ।
आयो के कणाई
मन मे
थो सवाल ।
सुषीज्यो के
माय नै स्यु
कोहि पट्ठतर ।
कोनी चित सकै

आ बात जिनावर
जका रो
सहज बाध
प्रजनन'र उदर,
दीनही
तने कुदरत
आ खिमता,
पण त्
थका दीठ
हृ'र थाघो
भाजै तिसणी रे लारै
कोनी करै विचार
काई मार काई असार ।
गमगी मन रे अधेरै में
अतम री चेतणा
गिटगी वासणा
हियै री संवेदणा,
कठै गई स्याणप ।
त् साव भोळियो
मान लियो निज नै
जाबक हाड'र मास रो
खोळियो,
ओ थारो अभाग
पण त् जाग
उठ परमाद र्याग
खिडथा पेसी
पचभूत रो भेडा
सुण
जीव रे बैरी
काढ रो हैलो ।

निरथक !

बारथो
आघो
छूटगी लारे
मंजल
वाष्प पाढो
कोनी चालणै रो
कोई अरथ
जे नहीं पृगौ
मिनख
ठौडसर !

स्याणो !

सुष'र खुडको
कोनी खोले
फटसी'क मोडो
पृथ्वै पैली
कुण ?
सुष
सैधी बोली
सिरकावै
आगळ
पण कोनी
चितणा उडी
जे हूँतो
स्याणो
कोनी बडती
बासनावा
समक'र
थारी आख नै
घरममाला ।
१०-१०-८८

करसो !

आवै
मिस्टी रै खेत मै
करसो गिरनार
सूरज रो बीज,
सीचै हालण पून
काढ'र समंदर रै
कुछै स्यै
बादला री भरी चहल,
पावया फसल
चिगदै
अधेरै रै रिगदै स्यू खळो
निकळै तारा रा दाणा
आवै चुगण नै
खोल'र
ऊजळो पाया
हिल्योडो
चाद क्षूतर !

मतीरा ।

किया
ल्यायो हूँ
उठार
सोटां सहै
पीछे रे खेत स्यू
सबदा रा मतीरा
जाणै आ बात
महारो जीव ॥
बयै भलाई कर कर'र लीरा
कुचर कुचर'र
गुपरथा
पिंडो अमरित सो
पाणी
पण अती थानै
महारी भोडावण
राखीज्यो बीज ठाया
आगली रुत राणी ।
१२-१०-८८

सम्भाव ।

जो
नोषता
हीरो
पहज्या
आँख मैं
राबल्डियो
फिरे देतो
रेत नै आळ
काढतो गाळ
यग खिमावान
धरती
जाणै भिनख रो
नुगरो सभाव ।

ਪਰਿਗਾ ।

ਕੋਨੀ ਆਵੈ
ਮਾਨ'ਰ ਲੋ ਨੈ
ਚਮਧਾ ਰੀ ਕਲੀ
ਰਖ ਰਾ ਲੋਭੀ
ਮਵਰਾ,
ਚਡਸੀ
ਹੈਂ ਸੋਨੈ ਰੀ ਦੁਲੀ
ਵੈ ਮਾਵੁਕ ਪਰਿਗਾ
ਜਕੀ ਨੈ ਹੈ
ਚਿਆਨਯੈ ਸਥੂ ਇਤ ।
੧੨-੧੦-੮੮

धिगाणियों ।

उडती ही
गिगनार रै
आळै स्युं हंस
बलरयो
माय कागलो,
बलयो जोरो मरदी
मानसरोवर स्युं
चुग'र लयायोङ्गा
अमोलक
नखत मोत्या रो
घणी !
१२-१०८८

आगियो ।

माजगी
योछरडी पून
बुक्का'र
दियो,
पण कोनी लेण दै
निसक नींद
बधेरे नै
एक आगियो ।
१२-१०-८८

दोरो !
कोनी छोड़
दोरो
सुई री लार
जड़े गाई
नहीं मिलसी
थी नै
बीं रो परवार !
॥२-१०८॥

चीज !

इकीजम्यो
कल्पायण स्मृति सूरज
उत्तरग्रहो
दिन रो मूँडो,
अंधेरीजम्यो आभो
आ'र वैठव्या
आळो मै पंखेहु
पण सुण'र छांटा रो
योलाळो
जागम्यो घरती मे
सूतो सिरजण !
१३-१०-८८

भोळा ।

भूल'र
आपरो सभाव
कोनी छोडै
सुलाँ री देखादेखी
सुरझायाँ पछै ढालै
केहै भोळा फूला,
कोनी समझै
हफोळा
रुमरयो वा स्युं
मृल ।

१३१-१०८८

मिनख !

बोलै
रिण रोही में
भोड बिलाव
पेट दूखै
होको पीस्यू
करै
याढ़ा में बैठी
कमेडथा
कुटुं छू
पीसुं छू
लडै सरत'री राढ
बोर्दरदी लैलडथा
तु गा तु गा,
फिरै अडाँवा में
हैकड तीतर
करता तु कर तु कर
आवै चीत जद
बाल्धपणै में
सुण्णोढी बाता
हुवे बीं खिण
रस स्यू गळगच मन
जुळधोडा हा
कतो अपणायत स्युं
कुदरत'र जीवण
पण बणा दियो
जीभ ढाकण
मिनख नै
सरवभाल्डमी रावण !

१३-१०-८८

धिणाप ।

रच सके
अकूरडी पर
रेणियो सरभंगी
अचूक मंतर
बणा सके
ठोठ गुवाळियो
मध्यरा लोकगीत
कर सके
अणभणियो करसो
काळजयी कविता
सुकेर सके
मळबो टोणियो
कमतरियो
अनृढा चितराम
कोनी
कळावा पर
किण रो ही धिणाप ।
चाहीजै दीठ
अणभूतजै री गिमता
निरथक
मोनै री कलम'र
चादी री दबाव
सिरजन रा सीरी
घोचा'र काकरा
का' सोनल घूळ
जकी मिस्टी रो मूळ ।

दर्पण ।

दृष्ट रथो वो
दरपण
हो जकी स्युं
मरवण री
दीठ रो मगपण
हुगी निढाळ सुहागण
वरमै नैरा स्युं
सावण
पण
बुद्धार'र
लेगी जकी हालण
वा देख्यो
द्रव्योइ दुकड़ा मे
पैली पोत
निसंक हु'र
आप रो
रूप'र जोयन !
१५-१०-८८

आदत ।

खोलया
चिन्यां ही
हटड़ी रो पूरो किवाड
कर दै पूछणो सरु
बोरो
कठे पढ़ी है
कतरणी
सुईर ढोरो
कोनी करै
चिन्यो घणो जीव नै दोरो
मिल उयावै सोबयू सोरो
आ नीत
कोनी सधण दै दीठ
रह उयावै आदमी
कोरो रो कोरो ।

गुण गाहक !

उड उड'र
काळे कोसा स्यूं
पूगगी
भणकदा भंवरा री भीड़
पण कोनी आई
पाढ़ोसी काटे नै
झल री भौरम !

१६-१०-८८

चोरटी उमर !

फिर लियो
आखै गांव में
कोनी लाठ्यो
म्हारो चैरो ।
करै बात बासीदा
कुण है ओ अणसैधो
मुसै देख'र
गली रा गंडबडा
बरू चीत
हुवै न हुवै
लै'गी चोर'र
उमर
म्हारो उणियारो
कठै फिरै सौषतो
एङ्गयो अयै अघारो ।

साच !

बणावै
कुमार
लिल्लुमी री मूरत
बपराणै खातर दाणा,
बो जाणै
चढसी
है पर
मैवा'र मखाणा !
१७-१०-८८

कविता !

मरगी

काल

भूष द्यु वायेढा

करती

वापडी कविता

लेगी छठा'र

लावारिश लाशा ने

नगर निगम री

सुरदा गाड़ी

बाज बाची

छापे मे

राखी है

गोवधणी रे बडेरचारे मे

विराट

शोक सभा ।

१८-१०-८८

परमाद !

देख'र सामने
दरडो
कर लियो वै'तो पाणी
मन मीठो
चल्यो चाळ स्युं केर
ले'र विसाई आगै
पण फिरथ्यो अथारो
यणरयो काढो
फैलगी चौकेर
दुरगिन्ध ।
१६-१०-८८

भूख !

देख'र
झरती पर
खिड्योडा दाणा
सावट'र पांखा
आ'र बैठस्यो
पखेह नीचै
कोनी भूख स्यु
बडो
गिरनार ।

रात दिन !

पहरयो
सर्ज री
घघकती भट्टी में स्यू
उड्डल्ड'र वारै
एक अथमल्यो कोयला
हुग्यो अधेरो,
नाष्ठ दियो
उठाँर
वगर रै चौपट्टै स्यू
गिगनार
पाल्हा भट्टी में
हुग्यो सबेरो ।
२०-१० ए-

फरक ।

बन्द आख
मीरा
खुली आख
कबीर
भगती
जमनार
शान
गंगा रो नीर
२०-१०-८८८

निराकार-आकार ।

कोनी-ल्याणे सकै
लपट नै
हयेढी मै
ल्याणो पडसी ठूठियो सागे,
कोनी अणभूत सकै
इया निराकार नै
राखणो हुसी आकार मुढागे ।
२०-१० दद

अंधेरोंर छ्यानणो ।

कोनी
अमृते
बन्द कोटडी में
अधेरो
एष राखसी जीवतो
छ्यानणे नै
खुलो करोखो ।

२०-४०-८८

जलम-मरण !

नित हुवै दिनुगा
म्हारो नुंबो जलम,
करुं चीत
लारलै दिन री भूलाँ
विण नै कया
करदा सबद
विण पर करी रीस
विण री करी निन्दा
सोच'र हुवै घणो पिसतावो
करुं विचार
कोनी करुं अबै चूक
पण खिण मै
फिरज्या बारोकर परमाद
कोनी रवै याद भारणा,
सुरक्षीजज्या चेतना
वैठ ज्या फेर जा'र
सुगलबाढ़े पर मन री माष्टी
चल्यो जावै थकारथ
एक जलम और
पाढ़ा गैढ़ीजै नैण
दबोच लै केर
आ'र
मौत री छुट भाण नोंद !

२२-१०-८८

काथर !

भाजगी
चमा चाळ'र
कुचमादी पून
ह'गी बी'र
सौरभ रे लारे
भवरा रो भीड
याकगी छडता'री पांखा
कोनी लादयो फूल
आयमरयो सूरज
पिरस्या आडा सूळ
जणी कर'र भण भण
कयो ढरता
म्हे
कोनी फूला रा रसिया
म्हे तो हो रात रा बचिया ।

कविता ।

लुक्योडा है
रुख रे
रुख करुप कठोर तर्जे में
अगगिनत कबङ्गा पानडा
झटरा फूल, भीढ़ा फल
पण वै आमी बारे
जद बुलासी
रुत रो बायरो
बिया ही
काढ्या
सबदा रो घूघटियो
वैठी अडीकै
कोई दीठवान् नै
अनन्त अरथों री धिराणी
लजवन्ती कविता ।

२३-१०-८८

झूठ-साच !

खुलै
सुनै चौपड़ै
झूठ रे मैल री
पोछ
बहुज्या
दखाखट
होदै नमेत हाथी
ऊभी
गाव रे गौरवै
इकलाखोरडी साच री झूपडी
बहु सकै माय
नवार माथो
कोई चेतना रो धरी ।

कारीगर ।

छाटणा पढ़ै
हरेक रचना सारु
परबाणै रा सबद
सुस ज्यावै काठा स्यू
क बढ़ा पग,
दीला स्यू
कोनी भर सकै डग
जका जाणै आ साच
बै उठासी
ले'र माप
बलम'र कागद ।
२४-१०-८८

आपदु घरम् ।

उत्तरजया
जैकाण'र ऊठ
झरजया ऊपाढ़ो
काल'र मूरी,
पहचो है
मुडागै
पमल्योड़ो
मारग री छाती पर
पाढ़ोसी धारो,
कर टाळ
चाल ऊज़ह
फेर पकड़ लेई
बा गेली
जके स्यू तुड्योडो है
यादी मज़ल री मारग ।
२६-१०-८८

रीसलो मिनख ।

जे आवै
साते दूध पर
मळाहै
तो आवै
रीसले रे
मुँडे पर
लुनाहै,
हावै
माये नै ठडो
बो बाजै
हिमाळो
नहीं स
मै भाटा
कोई घोळो'र
कोई काळो ।

२७-१०-८८

धरती'र गिगनार ।

कोनी
धरती रो कोई
आप रो सभाव
हुवै लाती
उपर्ता ही युरज,
ठड़ी
उगता ही चाद,
आ कठपुतली
नाचै नचायोढ़ी
गावै सिन्धु राग
समदर रै गायोढ़ी
चड़ै अचपली पून रै
उढायोढ़ी
कोनी निज री सत्ता ॥
पण रवै हर छिज
आपरी मोय भै
मोटी बबधूत
गिगनार ।

रात !

अधेरो
बाख रो काज़ल,
तारा
डील री हंवाली,
कुण कवै
रात नै काली ।
वीं रो ही रूप
दीठ
दिवलै री उजाली !
२७-१०-८८

सिइया ।

मत चाह
दिवलो,
दाफ़ ज्यासी
सिइया रो ढील,
आ तो
इया ही अघघायल
पड़रयो भोल्हो रो
सुरल रै बुकतौ खीरै पर पग
उपइरया काला
कैवै वा नै
संवेदण हीज मिनख
तारा ।

म्हारी मनस्या !

जे हुवै
म्हारै सारै
कोनी फिरु ले'र
कलम री ढाँगडी
सिइया सुवारै
खळेड सधदा रै लारै,
मने लागै थाढ़ी
हले'र खेत,
पगा भे पसरशोडी
सोनल रेत,
निषजाऊ
मोत्या, मूधो धान,
निरखू च्यारू मेर

ਤੁਲਾ'ਰ ਪਾਨ,
 ਸੁਖੂ ਬੈਠ'ਰ
 ਗੈਜ਼ਡੀ ਰੀ ਥਾਵਾ
 ਕਮੈਕਰਾ ਰੀ ਟਸਾਕ ਟੁ
 ਕਚੂਤਰਾ ਰੀ ਘਟਰ ਗੁ
 ਮੌਜਾ ਮਿਰਦਸਾ ਰੀ ਛੁਲੁ
 ਦੇਖੂ ਸੌਰਿਆ ਨੈ
 ਤਾਜਰਾ ਥਰਾਈ
 ਨਾਚਰੀ
 ਕੀ ਰੈ ਸਾਗੈ
 ਹਈ ਕਚਨ ਫੁਲਾਈ
 ਕਲੁ ਬਾਲਪਣੈ ਰੈ
 ਸਾਈਨਾ ਨੈ ਚੀਤ,
 ਟੋਲੁ ਅਲਮੀਐ ਮੈ
 ਕੀਈ ਆਲ੍ਹਾਧੂ ਰੀ ਗੀਤ
 ਕੋਨੀ ਮਨੈ
 ਛਾਪਣ ਮੌਗੀ ਰੀ ਭਾਵਨ
 ਰੁਚ ਰੁਚ'ਰ ਜੀਮੁ
 ਬਾਜ਼ਰੀ ਰਾ ਸੀਗਰਾ'ਰ
 ਕਾਦੀ ਰਾ ਲਗਾਵਣ,
 ਪੀਊ ਗਟਾਗਟ
 ਲੀਟਾਹੀ ਰੀ ਢਰਵੀਹੀ ਪਾਥੀ
 ਹੁਕੈ ਰਿਦ ਰਾਈ ਮੈ
 ਬਾਲਧੀਹੀ ਟਾਣੀ,
 ਮਨੈ ਲਾਗੈ
 ਕਠਾਖਾਣੀ
 ਮਾਗ ਦੀਝ ਰੀ ਜਿਜਾਨੀ
 ਪਣ ਕਦ ਹੁਕੈ
 ਕਿਥ ਰੈ ਹੀ ਮਨ ਰੀ ਜਾਣੀ ?
 ਲਿਲਥੈਹੀ ਕਰਮ ਮੈ
 ਤੈਸੀ ਰੀ ਧਾਣੀ !
 ਈ-ਈ-ਈ-ਈ

बीज ।

ले लिया
पड़ता ही छाट
पर
धरती री गोदी में सूतो
बीज,
आख्यो
सिरजन रो खिण,
कोनी ढबै अबै
कठेहै बीच में
जठै ताहै बण'र
पाछ्यो बीज
नहीं कर देसी
आप रे आपे नै
विसरजण ।

३०-१०-८८

पसवाड़ो ।

फिरता ही
बगत रो पसवाड़ो
बैठन्यो पीदै
मोटो सूरज,
कड़ाबै
दिन रै
घणी री कूट
बौछरडा दिवला,
निसरया घारै
तोड़र
अधेरै री
काल कोटही
वागी तारा
पण कोनी चुण सक्या
एक भत हुर
कोई नेता
फाटगी
आयमरी की
थूका फजीती मै
फेर माक ।

हृणी अणहृणी !

जायो है
किण री मा
इसडो मोट्यार
जको गिण लै
मौत रा दात ।
एकह सै
बगत रो हाथ ।
राख लै
भाजती उभर नै
घाल'र गळवाथ ।
चलया गया कता
तप तप'र घृणी
भोग'र जूणी
कद टब्बी हृणी ।
इयाँ इं मङ्के वा भूणी
कोनी हृषे अणहृणी ।

२-११-८८

तारा'र सूरज ।

रात रे
कालै केसाँ मैं
गुच्छोड़ा
लाखीणाँ मोती
तारा ।

कछुलो चतारशोड़ै
दिन रे माथे पर
कनारी री टोकी
सूरज ।

१७-११-८८

काळजयी !

दिप दिप दीपै जोत
अधेरो के कहसी !
देनी निज रा पोत
कलख रो गढ दहसी !

चौम गकै कद मौत
गीत रो रस बहसी,
घिसगी काळ करोत
मबद री जठ रहसी !

१७०१-८८

दिवलो (१)

बाटै नेह नै
कर'र उजास
कोनी बिळसै आप,
जागै बो
धिणाप, पाप ।
रह-र-ह

दिवको (२)

करै
ख्य
तप'र
खिण गिण
अंतस रो राग ।
कर दी
विराग ऊजळी
दिवलै री दीठ ?
२६-१-८८

दिन-रात ।

१

तम रो ढील बड़ाळ घणी पग
जावक काची छाती,
धरै चूठियो कोनी सके
तमक दिवै री बाती ।

२

खोटो चांद सिलाडी आधो
अै विदाम सा तारा ।
मुटै व्यानणी री टहाई
बरसै रस री धारा,

३

जलभ्या तम रावण रे कुळ में
भगर विभीषण तारा,
देख फाटतो भाक गया रळ
सूरज सागे सारा

४

गगन बोरसी तारा खीरा
तिभिर हुओ घर ऊपर,
सेकै बगत इसीयो बैठो
दिन रो पलको बीं पर ।

तिमिर रुँखड़ै रे तारा रा
लडाल्दम फळ लागै,
मावस माल्हण रा पग सुणता
चाद चोरटो भागै ।

करी नखत छाटा स्युं गीली
तम री सुखी माटी,
काळ कुमार भाण रो दिवलो
रच्यो जणा पौ फाटी ।

रगड गगन माचिस स्यू तळी
ऊपा री सिलगाई,
बुझै भाण रे दिवलै री लौ
फेहं यगत जगाई ।

मा माटी री कुख जलमिया
ये दिवला अवतारी,
काढ किरण-शर लौ तरकस स्यू
रात ताढ़का मारी ।

बजरमान तम गद री भीता
पण कद लागै जोज ।
करै दिये री नानहीं सी लौ
परकोठै मे बेक ।

तम हाथीढो तारा कुतिया
भाजै भुमता लारै,
लौ अङ्कुश स्युं दिवलो माषत
राखै इण न सारै ।

११

बहै घरो मैं तिमिर धिगाणै
 बरज्यो रवै न सारै,
 दिवलै री लौ दे चनपट री
 रोज माजनो मारै ।

१२

मामळ रात सावडी जमना
 दिन गगा रो पाणी,
 नेह भवर मैं इबी मीरा
 तिरयो कवीरो ज्यानी ।

१३

गगन चालणी महा काळ री
 तारा बेङ्ग अशेष,
 छुण ज्यासी जद तिमिर कृष्ण
 रह ज्यासी दिन सेस ।

१४

दूज चाँद ज्यू चाक हाथ मैं
 छोरो बगत पढेसर,
 तारा री बारखडी माडी
 तम री पाटी ऊपर ।

१५

कत भाण जद भटक वावडथो
 हरख उथा घर नार,
 काळ हथेळी ऊपर घरियो
 दिवस पतासो ल्यार ।

१६

देख बारणै आयो तम नै
 काटयो लौ रो टीको,
 दिवलै री बरणा मावर रो
 रग कर दियो फीको ।

रोहीझो । (१)

कद स्युं
अवो है

आपरी
 सुरजा रे पान
 सूरा पुगवा स्यु
 सद्दोहो
 निरजल परती पर
 रोहीरे रो मान ।
 कोनी कर मकी
 चेतापूर
 सूरज री चरी थीट
 बद्धपद्धती लूआ,
 वैवे हृण री नग नग मै
 बड़ेरा रो बळ्डानी रगत,
 चित्र है है नै
 वै रजरका गोदहमल
 सीलनंती पदमन्या
 अका कटा'र मायो
 जगा'र जौहर
 शाहयो जामज रो मान,
 है रा ही घरम भारै
 गोजडा'र फोग
 बालाजै रे जोग
 जसा री
 उज्ज्वो कीरत,
 वरे जद व्यै, सुन्याह मै
 आपम मै बत्तङ्ग
 सुण'र घम ज्यावै
 एवै मास भागतो बगत
 चुल ज्यावै इतिरास री
 बजदीठ
 तीमरी आव ।

रोहीङ्गा ! (२)

लिया
नैणा में

खड़े फूलों रा सपना
ऊभो
रिण रोही में
बजर देही रोहीडो,
दियो
इण नै जलम
कचन वरणी
कुआरी घरती,
कोनी मण्डोडा
अठीनै
बोई रै पगां रा खोज
टङ्गी परै स्यू ही
नुगलम्बोर गेल्या,
रमै छ्यां तळै
भोला सुसिया
करै हताया
बातेरण कमेङ्चा
लडावै
कबळा पानडां नै
हेतालू पून
पण मनासी
कता दिन खेर
बापडै
बकरिये री मा ॥
फिरै
सोधती
इण नै
जीव री बैरण
दातली करोत ॥

भूल !

खा वोकरी
भृष्टी आख्या
आख्टी समर
घोखो,

कठै पड़ी ही
कोरे
रग-रूप
चटक मटक में
ऐत री सौरम !

सगळा हा
वागजी फूल
आई समझ में भूल
सिद्धिं ढळ्या,
जद वै रया
विगस्थोळा
विया रा विया !

१५-६-८८

जुग धरम ।

सीखरया
ल्पाळी
खाजरू री
बोली,
कोनी करणी पडै
अवै
भज सारु
घणी
भाग दौड
आ ज्यासी
मतै ही
चाल'र
माद मे
भेडी भोळी ।
१४६८८

आदमी !

मिन ज्यासी
घणाई
हिन्दू'र मुमलमान
बौद्ध'र किरस्तान
पण सीधणो पडसी
इण जाडी भीड रे जंगल में
निष्कालिम आदमी ।
कोनी छापा'र तिलक
डाढी'र चोटी
बी री पिछाण
कोनी छाधै बो
मंदिर'र भमजिद
मठ'र गिरजाघर में
बो तो है
थारै माय ही लुक्योडो
आसी बारै
बीं खिण
जद तु चतार'र मुखौटी
देखमी सगळा मिनखाँ में
चाप'र भाई
हरेक लुगाई में
बेटी'र माई ।

६-७-८८

मोटो सिरजण ।

लाघ ज्यासी
रिद रोही री
ढाणी तकायत मै
दिवङ्गोर दरपण
चावे हरेक पग
देखणो मारग
हरेक दीठ
चणियारो,
कोनी कर सक्यो मोटो मिनख
आज ताहैं
आ दोन्या स्थु बडो
और कोहै सिरजण ।

२७-७-८६

चीड़ी चीड़ो !

कोनी देख्यो
कदैर्ह एकली
चिह्नकली नै
घालता आळो ।
उठतो रवै ओळू दोळू
यी रो मोत्त्वार चीड़ो,
पण करै
सिरजण सारु
घण करी'क खेचल चीड़ी
निभावै चीड़ी तो
कणाइ ल्यार
एकाघ घोनो
ससार रो धैवार
पण चिडकली री
आख्या मे
एक भविस रो सपनो
एक अनदेखी साच,
जकी कोनी लेण देवै
चनेक ही
कोई जामण नै जक ।

१५-८-८८

साची यात ।

खनू आमो रुक्ताँ तक्ताँ
आयो मेह अमाद उतरताँ,
तिरगा मरतो धरती भीजीं
मोठ गुवार वाजरी बीजीं,
माव निकलायो रामो सावण
भाद्रहै नै दे भोल्कावण,
पण कुण किण रो कारज सारै
मगळा भाजै मन रै सारै,
के कुदरत री करो बुराई !
मिनाल मिनाल मै शा खोटाई !

२६-८-८६

भरम ।

मेलरा ही
एक पग आगे
आर्यो
वा ही
सागी गोली मुडागे
जको छूटया हो
चनेक पैली लारै,
इया है
सगळो सकार
साव लुक मीचणी री रमत,
नहीं है मे
कोई कठेहै गमै
न कोई लाघै,
ओ तो रुद्धयोडी दीठ रो
एक भरम फकत !
६-६-८८

पहुँतर !

सागै
जागते नै
जगत साचा
नोद में सूते नै
सपनो,
किसी साच
किमी इृठ !
का सोकयू ईं ही मरम !
ठमगी कलम
देख'र दरपण
ब्रणभृतीज रथो मरम
दोन्यू ही
जीव रा ईृठ !
दीठ'र अदीठ !
घेठ'र लीठ !
२५-६-८६

सरव भक्सी !

कुण है इस्यो
जको
मिला सके
काळ री अपलक आंख स्युं
आंख !
इण सरव भक्सी री
लपलप करती
सोनै री जीभ
आ बासदे,
आ आच्छी धरती
पसारथोड़ी हयेड्डी
जिण री गरमी स्युं
पिळगळ'र हुज्यावै नागा
डीघा हिमाळा,
नाच कृद'र
जकी पर
धाप ज्यावै
बापढा बडबोला समन्दर !
ओ भमतो बायरो
इण रो रणजयी घोषो
आम सके लगाम
आ किण री खिमता !
ओ गिगनार ही
एक इस्यो
जको कोनी करै
चीनी'क गिनार
सुण'र
बादळिया रै
ओलै लुकयोडै
इण ढाकी'रीं डकार !

१६-६-८६

तारा !

गिटरयो
चटोकड़ी अधेरो
सूरज रो
तातो पतासो,
सुपहरया
जीभ पर काला
थै ही
योको सारू
वाभै रा तारा !

सूरज ।

ले ज्यावै
बगत
दिन दद्ध्यां
वापरै धरा
अधेरै री
छिदी बणगट री
चोरी में
धील'र
तारा रा कणुका,
पीम'र
यां नै
अगृष री चाकी में
पर घिराणी ऊपा
रोज वणा देनै
सूरज श्री
तातो रीटियो ।

२८६-८६

मिनख'र तितछी !

समझ'र
लाल रंग रे
चोळै नै
युआव रो फूल
बा'र
बैठगी
युधै पर
सतरंगी वितली,
करधो
पकड़नै माह
जद हाथ ऊँचो
बा उडगी
सोच'र
किया हुग्यो
इष रुढै हंखडै रो
लुंकडै मिनख जिस्यो सभाव !

६-१०-८६

गतागम !

कहणी जकी करीजै कोनी
लिखणी जकी लिख्दीजै कोनी,
सबद विरम अपडीजै कोनी
रचणा रम्य रचीजै कोनी,

एकल रास घलीजै कोनी,
राधा बिना रमीजै कोनी
भोळो जीव पतीजै कोनी
सिचल्यो इंयो रहीजै कोनी !

७-१०-८६

नेता'र जनता !

समझनी
सत्ता रा सोभी
नेता
जनता नै
कान मे
दाख्योड़ी बीड़ी,
सिलगा दे
जणा कणाहै
काढ'र
चुनाव री चुक्की,
फेर कोनी छोड़ै
निमधा
बापहो री लार
जठै सोहै
नहीं दाङ्गे
या री
आपरी आगछ्या !

३-१०-८५

सौगात !

सै बगत बगत री
बाता है,
दिन ओछा लावी
रातो है,

जे पुरो नेह
नहीं मरसी,
दिवले री बाती
जळ मरसी,

बै माटी री
अपघातां है,
सै बगत बगत री

कुण !

कुण

कूल में

विगसैर छारे ?

कुण

फळ में

पाकैर खिरे ?

कोई क्वै

योज

कोई क्वै

बगत

पञ्च मनै लागै

आ

अपत री

अगाद रमत !

८-१०-८६

सौगात !

सै वगत वगत री
चारों है,
दिन ओछा लांबी
रातों है,

माटी ।

माटी रो ईशर पूजीजे
माटी री गणगौर,
आग, पून, जळ, अंधर आ मे
माटी है सिरमौर ।

जीव जिनावर पील पद्धेह
फळ छुला रा हँत,
देह घराबै जिवा जूण नै
मा घाटी री कृष्ण,

मरजै खप्यै नै, सहजै गळ्यै नै
कुप दूजो सै माम ।
तथा दुगत सगळा री करणी
माटी रो ही काम,

सुरज चांद सितारा अणगिण
माटी रा आकार,
किण री ग्विमता अको नाप क्षै
माटी रो विसतार ।

भेद बुध !

झल्लर
सुळ रे
मूळ मे
बवै
हुँख रो
वो ही सागी रस
फेर किया हुई
रचना री किरिया
न्यारी न्यारी ।

× × ×

आ मिनख री
भेद बुध
जकी कोनी देख सकै
विन्या करथा ढुकडा
आग्वी साच रो
घणियारो ।
३४-१०-८८

कुंभारी साच ।

जसनै

साच ही कूप म्हँ

मधनो

दन दोनी माने वरेह

आ यात थै

जवा

मनहै माच नै

अहन कुंभारी !

१४१५८८

उठ, कर कूच ।

क्यों

मतो हारथोड़े

बटाऊ नै गोलो

काई हुवै घकेलो ।

मैं रो चालूँ

हर पल, हर खिण

को रात गिरूँ न दिन

उठ, कर कूच

मनै सुणीजै

इकलौंग

तनै बुलारी

मंजल रो रैलो ।

१५-१०-८८

साच !

इटर्यो

आँखया रो भरम

अथै तो लागे

ओ संसार

एक अगहुणी

जकै में

निरथक है मोचणी

व्यवस्था री बात

चालणो पङ्सी

नारा उद्वालवी

भीड़ रे रेळे रे गाने

जकै में

कोई कोनी समझै

किण नै ही

ओलद्वयै री जरूरत !

१५-१०-८८

ओघढ़ ।

कोनी बगत रै
आँख
पण
फिरै रुक्तो
पकड़या
झोकरी पून री आगली
दुश्मै
घरतो रै गोवणियै में
रात री भैम रो दूष दिन
सेकै
तारा री भोभर में
चाद री वाटी
धरै आगै रै, याल भै
सूरज री इडली
छमकै समदर रो
मलाणो रायतो
गिटै गासिया सागै
आखी जीवा जूण
हैं मिर्याहीण नै
भोळो मिनाच कवै हूण ।
१५०१०-८८८

सन्दर्भ ।

जो नहीं जाणे तू
चितराम रे
सागे लुहयोकी कथा
तो तनै सागसी
ऊँठ पर मवार
दोला'र मारु
कोई गेलै बगता बटाक,
कोनी ठैरै वा पर
चनेक ही यारी
अणसैधी दीठ
चट सिरक'र
टिक ज्यासी
वीं फूळ रे
चितराम पर
जकै री मीठी सौरम है
यारी सामा नै चीत ।

चौमासो !

बगतो
चौमासे री
गैळी ज्योदी रातो मैं
आवै खेता मैं ऊभै
लीलै धान री
मन भोवणी सौरम,
गमकै काकडिया'र मतीरा रा
चिया'र फुलडा
जाणै खोल दियो हुवै
कोई गधी
फुलेल रो अतरदान,
कोनी पनपै पण
भूख छ्यू छुकती इण
जीवट री धरती पर
पोतडा रा अमीर
मोलसिरी, हर सिगार'र रात राणी
पण मैकै
इण सोनल रेत री
राम रमै जिसी रोही मैं
करमै'र कमतरियै री
आत्मा री सुवाम ।

१६-१०-८६

आलोक पुरुष !

क्यों

पून्धुरी रात नै

दीयट पर बैठो

साव उदास दिलो

अबै तू सोच ले हैं

गुमेजण

यारो चनरमा,

काल स्थू ही

बधण लाग ज्यासी

म्हारी कुमछायोडी जोत

आतो आता

म्हारी भायली मावस

बण ज्या स्थू मैं ही

ई बधेरीज्योडी घरती रो

आलोक पुरुष !

२०-१० पर्स

दिवली ।

तारा री भेखा ठोक्योडा
तम-गढ प्रोळ किंवाड
डरै मारता हाथी भेटी
भीचै मावर जाड,

पण दिवलै री लौ री सुडी
तोडै बजर-कपाट,
किरणा री रेती सूरज री
बेढी देवै काट ।

१६-११-८८

दिन'र रात ।

बीरता ही
दिन पतझर
आरथो
गगण बन मैं
बसन्त,
फुटगी
तम रुंखडे रै
रुं हं गे
तारक भीकर
फैलगी
चौफेर दिमावा मैं
उजास री भीणी मैक
बाज्य लाग्रयो
महेई
मन सुरली पर
मिलण रो गीत
सुष'र आवे
खितिज ओट स्युं
निकल'र
चन्द्रमुखी राधा ।

३०-१-८०

नीमढो

अमरित रस रो
झारो नीम,
मीठो लागै
खारो नीम,

धृष्णसारा रो
सारो नीम,
यारो है
पतियारो नीम,

रोग अमाध
नसावै नीम,
मरता मिनख
जिवावै नीम,

शूरा शरणे
आवै नीम,
मोटा घाव
सुखावै नीम,

थाक्या नै
सैळावै नीम,
ठडी छुया
बिछावै नीम,

राधा किसन
हिडावै नीम,
गीता मै
गम ज्यावै नीम,

जठे कठै
घग ज्यावै नीम,
मर स्यू हेत
निभावै नीम,

जामण ऊपर
बारै नीम,
लुळ लुळ घणो
जुहारै नीम,

आभै नै
लक्षकारै नीम,
ऊँचा हाथ
पसारै नीम

ढाँफर मवै
दिगम्बर नीम,
त्व लिपटावै
तरबर नीम,

कद निसकारो
नाखै नीम ।
छाती करडी
राखै नीम,

चैत लागती
जलै नीम,
हीरक मीकर
फुलै नीम,

नीलम पन्नो
हरियल नीम,
तोबा चरणी
कृष्ण नीम,

मधु सौरम
मैकारै नीम,
मोमाछ्या
भूषकारै नीम,

रतन निबोळ्या
ल्यावै नीम,
पाप्ता कनक
लजावै नीम,

आघ्या में
सूसावै नीम,
मेहा नेहा
नहावै नीम,

पाख पखेह
वासो नीम,
सैं'रो मासो
मासो नीम,

उपगारी

बनवासी नीम,

बणरयो

गाव निवासी नीम,

म्हारो है

पाढोसी नीम,

समदरसी,

सतोषी नीम,

सगुण निगुण

सन्यासी नीम,

म्हारी मथरा

काशी नीम,

कल्प विरल्लु

घणियारै नीम,

नचिकेता

जमद्वारै नीम,

नीलकण्ठ

विष मारै नीम,

कट कोई स्यू

हारै नीम ।

थारो सफळ

जपारो नीम,

जस रो घुरे

नगारो नीम,

पण तू बेली

म्हारो नीम,

दे स्यू मैं

रेकारो नीम ।

बद निस्कारो
नाखै नीम ।
खाती करटी
राखै नीम,

चैत लागता
जलै नीम,
हीरक मीकर
फूलै नीम,

नीलम दन्तो
हरियल नीम,
ठाया घरणी
बूपङ्ग नीम,

महु सौरम
मैकारै नीम,
मोमारुधा
भणकारै नीम,

रतन नियोद्ध्या
ल्यावै नीम,
पाषदा कनक
लजावै नीम,

आष्ट्या मै
सूसावै नीम,
मेहो नेहो
न्हावै नीम,

पाष पखेरु
बासो नीम,
सैरो मामो
मासो नीम,

उपगारी
वनवासी नीम,
बणरयो
गांव निवासी नीम,

झारो है
पाढ़ीसी नीम,
समदरसी,
सतोषी नीम,

सगुण निगुण
सन्यासी नीम,
झारी मथरा
काशी नीम,

कल्प विरक्ष
घणियारै नीम,
नचिकेता
जमद्वारै नीम,

नीलकंठ
विष मारै नीम,
कद कोई स्यु
हारै नीम ।

यारो सफळ
जमारो नीम,
जस रो चुरै
नगारी नीम,

पण तू बेली
झारो नीम,
दे स्यु मैं
रेकारो नीम ।